

آبونه شرا : هر يار ايچون
سنه لکي (۴۰۰) الی ایللی
(۲۲۵) ، ممالک اجنیه ایچون
سنه لکي (۴۵۰) ، آلتی آیللی
(۲۵۰) غروشد.

نسخه سی ۷،۵ غروشد .
سنه لکي ۵۲ عددور .

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر .


مسلكه موافق آثار مع المنونیه
قبول اولنور . درج ایدلین
یازیلر اعاده اولنماز .

والله یهدی من یشاء الی صراط مستقیم

باش محرر
محمد ماکف

صاحب و مدر
اشرف ادیب

اتبعون اهدکم سبیل الرشاد



اداره سی تبدیلیله ایچیجه
هروش کوندرلیلدور .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
فرانسه جه یازلسی رجا اولنور .

پاره کوندرلیدیکی زمان نهیه
دائر اولدینی بیلدیرلسی
رجا اولنور

جلد ۲۵

۱۱ کانون اول ۱۳۴۰

نیمشنبه

۱۴ جادی الاول ۱۳۴۳

عدد ۶۲۹

الحاد، نه بویوک جهراشدور!

— بعض مرقالسزلرک نصریات الحادکارانه سی مناسبتیه —

۸

قارشومزده قوشلر اولسه یدی ، ایلک یاییلان طیاره یی بر خارقه عد
ایده بیلیردک . ایشته خلقتده اطراد افاده ایدن بر سببه تشبته حصوله
کلدیکنی کوردیکمز بویکی حادثه لر بزه قارشو ظاهر آ بر خارقه کوردونسه
بیله حقیقتده بر اطرادک انکشافی دیمک اولدینی ایچون بونلر معجزه
نامیله یادایدیلر من و یا خارقه لردن معدود اوله مازلر . بونک ایچون خارقه نک
معناسنده بالذات علت اولانک تأثیرینه استناد ایتک خصوصیتی تبادر
ایدور . خلقتده وقانون تکاملک هر حنده بوواردور . نبوت و معجزه ده
علل متوسطه قارشوسنده بویله بالذات اراده خالقه استناد ایدن خارقه لردنور .
خلقتک تجلیات نامتناهی سینه و تاریخک قطعیتنه قارشو « مافوق البشر
بر مخلوق اولدینی کی معجزه ده یوقدر . نبوت بر صنعتدر . طرزنده
لافلرله اعلان الحاده قالدیشمق ، قائلنه هیچ بر شرف و قیمت جلب
ایده میه جک اولان بر خارقه جهالندر . معجزه نک موجود اوله بیلیمسی
ایچون مافوق البشر بر مخلوقک وجودینه هیچ بر احتیاج یوقدر .
خالنک وجودی معجزه نک وجودی ایچون علت کافیه در . عالمده
بشرک کندی موجودیتی بیله بر خارقه در . بزمامد که بشرک موجودیتده
عالم ذهن ایله عالم اجسامک بر برلینه اتصال پیدا ایده بیلدیرینی و آرارنده
مناقلات جریان ایده بیلدیرینی و بومناقلیه بر قدرتک ، بر اراده نک حاکم
اوله بیلدیرینی کوردیور و باطنمزده بر حالت شعوریه اولان بر اراده نک
اعضای بدنمزدن بر حرکت جسمانیه حالده . فیشقیره رق معلوما تمزی بر
صنعت اوله ق تحجیم ایتدیردیکنی مشاهده ایدوب طورویور و عین زمانده

کرک عال متوسطة یی تأسیس ایدن ایلک خارقه لر و کرک بونلرک
حدود تحول و تکاملنی کوسترین صولک خارقه لر : بونلرک ایکسیده
بالذات علت اولانک ، حق تعالی نک خلقنه مستند الملق ضروریدور .
آنحوق ایکینجیلر متضمن اولدقلری جهت اطراد و تکررده علل متوسطه
طریقندن ده کچمش بولنورلر .
علل متوسطه نک تحولاتنده و حدود تکاملنده جریان وقوعات
بزه ایکی صورت اراؤه ایتکده در :
۱ — بر علت متوسطه به دیگر بر علت متوسطه نک تراحم و تقابلی
ایله اوچنجی بر علت خاصه حدوتی ،

۲ — بر علت متوسطه نک بالذات علت اولی تأثیریه تعدیلی و یا توقیفی .
برنجی صورت مثلاً حرارت ایله برودتک تقابلندن اعتدالک حدوتی
کی هر آن وزمان کوردیکمز واقعات روزمره در که بونلر هر زمان
اسبابه تشبته حاده اطرادلری تأمین اوله بیله جک حادثات مخصوصه
میدانه کتیرلر و بز بصورتله علممزک وسعی نسبتنده نتائج مهمه
اکتساب ایده بیلیرزه . فنونک ترقیسندن بکله دیکمزده بودور . بوجهله
ترکیب علل خلقتده بالذات خالق تعالی به مضاف اولدایی کی صناعاتزده
زده بو ترکیملری یاپارق علل متوسطه میانه کیره بیلورز . خلقتده
کشف ایده بیله جکمز بسیط و یا مرکب هر سبب جدید اسباب معلومه
مقدمه مزده منضم اوله رق بزه بدایه خارقه حالده کوردونورکن بالآخره
تکرر و اطراد ایله عاده منقلب اولان واقعات بخش ایدیور . مثلاً

کنندیمز که وجوده برحد اول اولادینقی بیایورز. او حالده معجزه به اینانقی ایچون بشرک فوقنده بر مخلوق آرامغه احتیاج نهدن نشأت ایسون ! . . . قلبریمز که هر آن تبدل ایده بیلن تمایلاتی ، بدنلریمز که هر کون واقع اولان تحولاتی و بونلرک یکدیگرله متقابل علاقائی خالقک هر کون اوزرمزده تجلی ایدن آثار خارقه سی دکلیدر ؟ او حالده بز یو خارقه لک بعض فردلرده دها بیوک بر وضوح ایله ظهور ایتسی امکانی نه به استناد ایله انکار ایده بیلر ؟ یوقسه نوع بشرک افرادی آراسنده کی بتون فرقلری انکارمی ایده جکیز ؟ افرادک هر برنی یکدیگرندن آیران خصوصیت ممتازلری اونلرک بشریت وصفنده کی اشتراک نوعیلرینه بر مانعه تشکیل ایده جکسه نوع بشر مفهوم کلیسی نه حقله ملاحظه ایدیورز ؟ اشتراک نوعی تمایز فردی به مانع اولماجیه فردلرک علم ، اراده ، اخلاق ، قدرت نقطه نظرندن نامتناهی تجلیات مخصوصه به مظهریتلرینی فصل انکار ایدرز ؟ عادی و مطرد صنایع کسبیه مواجهه سنده ، فطری و موهوب خوارق و معجزات خلقی فصل طی ایده بیلر ؟ فصل اولورده اثرلری بالکسب ظهور ایدن عقللر ، صنعتلر ازاسند ، اثرلری بالوهب تجلی ایدن فطرت و جبلتلی ، کور - مه صرلکه کله بیلر ؟ فصل اولورده سوق طبیعیلرک ، حدسلرک ، دهالرک ، الهاملرک بالاسنده بروحی و نبوت مرتبه سی تصور ایده مه یز ؟ بو مرتبه لک تصویری بشرک بشریتله نهدن یرمبایت تشکیل ایسون ؟ وهله بوخصیصه موهوبه بالذات اراده خالقه استناد ایتدیکنی کوسترن آثار اعجازایله بالتجربه مبرهن و مبین اولورسه بونی انکار ضرر و خسرا نمزه بادی اولمازمی ؟ اکر بز نبوت و معجزه یی بالذات بشر اولان پیغمبرک کندی قدرت و اراده سته نسبت ایتسه ایدک اوزمان پیغمبریمزی فوق البشر بر الوهیت مرتبه سته قویمش و بوضورتله - حاشا - خریستیانلرکی بر شرک دوشمش اولوردق . علیه الصلاة والسلام افندیمز که خارق العاده اولان بتون موفقیات جلیله نبوتپناهیلرینی کندی قدرت و اراده سنک اثری تلقی ایتسه ایدک ، قرآندن باشلایه رق بتون معجزه لری کندی صنعی اولدینغه ذاهب اولسه ایدک ، ایشه اوزمان اونی تألیه و بشریتقی انکار ایتمش بولنوردق . نبوتی انبیانک بر صنعی اوله رق کوسترمک ایسته ینلر دوشونمیلورلرکه بو ادعا انبیایی مخلوق بر بشر دکل ، خالق بر اله تصور ایتک تناسقنه منجر اولور . اونک ایچون بز علیه الصلاة والسلام افندیمز حضرتلرینک منصب نبوتلرینی انکاره چالیشان ضال و مضل مدعیلرک دعوالرینی اونی تألیه ایتک دعواسنه مساوی بولویورز . فی الحقیقه ادیان مقدسه مؤسسلری پیغمبر دکالرسه اله خالق اولق لازم کله جکدر . خریستیانلق بونک ایچون ضلالت دوشمشدر . بونلر « واشهد ان محمدا عبده ورسوله » فقره شهادتندن عبد و رسولی حذف ایله بونی - حاشا - « واشهد ان محمدا هو الله » صورتنه افراغ ایتکه چالیشیلورلر

دیمکدر . چونکه کذارش حیات محمدی و اونک آثار خارقه سی تاریخه اوله نقش اولمشدر که بونی اعدانک قارا کلق محیطلرده یابدقلری تحریفات و تسویلات ایله سیلمک امکانی یوقدر . یالانچیلر اول و آخر یالانچی قالمغه محکومدرلر . طابدقلری جانلی جانسز بو طارده فوق العاده مزیت کی تلقی ایتدکاری بعض شیلری حضرت پیغمبرده بر فقیصه کی کوسترمک ایسته یی و بونی بر سر رشته تجاوز عد ایدن جانلر بو حاللرله کندی جهالت و یا جانیتلرینی اعلاندن باشقه برشی یا یمش اولمازلر . حقیقت قارشوسنده بو افترا لرحکمسنز قانجه آثار نبوت دائما پارلاق بر مهتاب کی انظار انامده تجلی ایدر طورر . بو بدر تامک جهانگیر اولان نورینی ذاتی و کندی قدرت مخصوصه سی اثری کی کوسترمک ایسته ینلرده قمری کونش دییه کوستره رک پیغمبری - حاشا - تألیه ایتمکدن باشقه برشی یا یمش اولمازلر . مسلمسانلق معدن نبوتی مرآت خدا طانیدرکن اولنر عین خدا طانیتمق ایسته یورلر . بز بونلر قارشی امام بوصیرینک :

وع مادعته النصاری فی نبیم
واحکم بما شئت من حافیة واحکم

یتقی او قویو ویررز .

فی الحقیقه معجزات محمدیه دن مثلاً : قرآنی بر کره نظر مطالعه به آله . قرآن نبوت عطیه سنک محض وهب خدا اولان بر خارقه اولدینقی و بونک بالذات اراده مخصوصه خالقه مستند بولندینقی لسان اعجازیه اثبات صدقنده شویله دیور . « وان کنتم فی ریب مما نزلنا علی عبدنا فأتوا بسورة من مثله » سورة بقره . « قل لئن اجتمعت الانس والجن علی ان یأتوا بمثل هذا القرآن لایأتون بمثله ولو کان بعضهم لبعض ظهیراً » سورة اسری .

قرآن بو آیتلرله من طرف الله بر تهدی ، بر مسابقه امتحانی کشاد ایدیور ده دیورکه :

« قولرزه ایندر دیکمز بو کتابده اریباب واشتباه ایدیورسه کز اونک مثلندن سزده بر سوره کتیریکز . »

« بو قرآنک بر مثانی باقمق اوزره بتون انس و جن اجتماع ایتسه لر ، و بر برلرینه ظهیر اولسه لر بیلله علم الله مثانی بامازلر . » ایشه قرآن عظیم الشان اون درت عصر مقدم بویله بر دعوی و تهدی ایله میدانه چیقمش و اوکوندن بو گونه قدرده بوندایه دوام ایتکده بولمشدر . معجزات سائر تاریخک صحایف حفظنه قاریشمش ایسه بومعجزه ، بودعوی ، بوتهدی الیوم تحت مشاهده و تجربه مزده بردوامدر . شیمدی به قدر هیچ بر کیمسه جیقوبده بو مسابقه امتحاننده بر نومرو آلاماش و بودعوانی ، بومعجزه یی یمش تهدیدن چکمه مشدر . معلمات سبعة هر یک کعبه دیوارندن ایندیرلیدیکی زماندن بو آنه قدر ، اسلوب و بلاغت قرآن ایله بر سوره یازوب تقدیر ایتدیرتن بر فرد چیقمدینی کی قرآنه

انقلابیاتی اسناد بہ فالقیشیرلر و بو اسنادلرینہ ینہ کندیلرینک تکذیبہ مجبور اولدقلری افتزالرینی علاوہ ایدرلردی . بتون دنیادہ کی یکی اقتدار مدعیلرندہ عینی اسناد وافترانک تکرارندن باشقہ برشی کورمیورز، اودعوای عظیمہ قارشوسندہ بونلرکدہ بتون یابدقلری پیغمبری - حاشا - اسپرتیزمہ جی، مانیاتیزمہ جیلرکی صنعتکار برساخر ویا شکسپر، هوغو و سائرہ کی برشاخر ویا یونابارت کی بر انقلابی یاخود کندیلری کی بر مجنون، طانتدیرمنہ معطوف افترادن، تزویردن، آثار مجزدن عبارت قالیور . اسکیلرک ایرہ مدیکی براققدار جدید دعواسیلہ اورتایہ جیقانلر امتحاندہ موضوع بحث اولان سٹوالہ جواب ویرہ جک یردہ متمادی اسکیلرک چیکنہ یوب چیکنہ یوب یوتدقلری قوقش، کوفلی اسناد وافتزالری تکرارہ فالقیشمقلہ اعجاز قرآنہ یکی بر برہان دہا ابراز ایدرلرکن کندیلرینک بوبادہ ابوجہل وعونہ سی قدر بیلہ اوریژینالیتہ مالک اولمادقلرینی دہ کوسترمش اولیورلر .

فی الحقیقہ قرآنک بوبادہ کی یوکسک اعجازینی تدقیق ایدن علماء اسلام بونک ایکی احمالدن بریسی ضمنتہ تحقق ایتدیکنی بیان ایدیورلر . بریسی جمهور اہل سنتک نقطۂ نظریدر : قرآنک بسیط و معلوم اولان معانی بیلہ اویلہ آہنکدار برنظم سلیس و بلیغ، اویلہ جمعیتی براسلوب بیان ایلہ افادہ ایتمشدرکہ بو آہنک بلاغت، بو اسلوب بیان حقیقۂ صنع بشرک فوقدہ در و بونک ایچون قابل نظیر اولہ مامش ویکانہ معجزہ حالندہ انفرادینی محافظہ ایتمشدر .

ایکنجیمہ معتزلہ نک نقطۂ نظریدر . بونلر بلاغت قرآنہ نفس الامر دہ قدرت بشرک فوقدہ براسلوب بیان دکلدہ، فقط ہرکیم تنظیرینہ قیام ایدرسہ من طرفہ قدرت بیانی سلب اولنور و سویاہ بیلہ جکی قدر بیلہ برسوز بولہ میہرق خجیل ورسوای اولور، دیورلر و بویلہ اولمسی ظہور اعجازدہ دہا مؤثر بولیورلر . اہل سنت، قرآن صنع بشر فوقدہ اولہرق نازل اولمش بر معجزہ در و بونک ایچون نظیر اولہ ماز دیدکری حالہ معتزلہ قرآن صنع بشرہ ممائل اولہرق نازل اولمشدر . فقط تنظیرینہ قیام ایدہ نک من طرفہ خارقہ اولہرق دہلی طوتیلر، یاہ بیلہ جکی یاہ ماز اولور، دیورلر . اہل سنت اعجاز، قرآنک حقیقتندن جزئدر، معتزلہ ایسہ اعجاز، قرآنک ماہیتدہ دکل، معارضلرینہ اللہک بالذات تأثیرندہ در، دیش اولیورلر .

ہرنہ اولورسہ اولسون شوراسی محققدرکہ ہر ہسانکی بر بیوک شاعر قرآن ایلہ تحدی بہ قیام ایتدیکی زمان بتون قدرت شعریہ سنی غائب ایدرک عوامک بیلہ آغزینہ آلیہ جفی مادی عادی سوزلرلہ عالمہ کولنج اولمش و بوندن دولای عناندہ اصرار ایدنلر حضرت پیغمبری سحرکارقلہ اتہامہ قالمہ جی بر ہنر صایمشلردہ .

کرچہ قرآنک افادہ ایتدیکی، حقائق معانی و احکام ایچندہ دخی

ودین اسلامہ قارشی، میلیونلرہ انسانلر، میلیارلرہ ثروتلر صرف ایدہ رک ہارہ لہرہ منازعہ لہرہ قائلان ملتردن، جمعیتلردن ہیچ بریسی دہ بتون قوتلرینی بونقعلہ تحدی بہ تحشید ایدرک بودھوایی ابطال ایدہ جک بر اثر میدانہ قویا مامشلردہ . عجبا طلمدہ بویلہ اون درت عصر متمادی صدقی افادہ ایدن برہان ایلہ مبرہن قاج دعوی و قاج مسئلہ بولہ بیلیر؟ و بو قوتی حائرہانکی مشاہدہ و تجربہ کی کوسترمہ بیلیر؟ متمادی افترا و تزویر پروپاگاندا لرینہ مبتلی اولانلر، بک بسیط اولان بویلہ بر تجربہ کی بر اقوبدہ نیچون وادی خسرا ندہ طولاشیورلر؟ بونک مدعاسی کی برہانکدہ تنظیری قابل اولیان بر خارقہ اولمسی، مؤداسنک بودھوایی ایلہ برابر، ہانکی اطراد جزئی بہ فدا ایدیلہ بیلیر؟ ہانکی قانون بزہ بوندن دہا قوی بر تجربہ و استقرانک ایجاب ایتدیکی بر تعمیم ویا استدلال ایلہ وضع ایدلشدہ . بتون علومزہ حاکم اولان بووامثالک علت اولایہ استنادینی اقتضا ایدوب طوران علت قانونی یوقسہ وکا بر مانعہ می تشکیل ایدیور؟ اسپرتیزم، مانیاتیزم واقعاتی خارقہ نبوتی سہولتہ ملاحظہ بر طریق، بر مشاہدہ کی دوشونہ جک یردہ قوی بی ضعیفہ قیاس ایلہ قاب موضوع ایدہ رک نبوتی بر صنعت کسبہ حالندہ کوسترمک ایستہ یئلر نیچون قنلریلہ، اسپرتیزمہ لریلہ، مانیاتیزمہ لریلہ حاصلی اوصنعتلریلہ بر قرآن یایوب اورتایہ جیقیمیورلر؟ نیچون تنظیری قابل اولیان قرآنک بو بلاغت و اعجازینی جہہدن چکمک ایچون متمادی ترجمہ لرینی ایلری سورویورلر . قرآن ترجمہ لری اونک خارقہ اولان بلاغت و فصاحتندن بالطبع محروم اولورسہ د فائوا بسورہ من مثله، امرندہ کی دعوانک نفسندہ کی عظمتی اورتادنی قالمش می بولہ جق؟ عجبا سورہ بقرہ نک اصلندن بر آیتنی بیلہ بحق آکلامغہ مقتدر اولیان جہلہ یا کلش ویلان ترجمہ لرندن بر ذوق آلہ مادینگی اعلان ایتککہ د فائوا .. دعوای عظیمہ بر جواب ویرمش اولدینگی می ذاہب اولیورلر؟ بو بسیط دعوی اون درت عصر دن بزی او قدر حقیقتی کوسترمشدرکہ اگر اطراد طبیعت دستورینک بر قیسی وارسہ بونک قارشوسندہ شق سفہیہ امکان قالدینی ہر درلو شہہ دن وارستہ در . کویا بعضیلری ماضیدہ کی انسانلرک عاوم و فونندہ اکیسککلرینی، عقل و ذکا و اخلاق دہ دخی نقصانلرینہ بر دلیل کی عد ایدرک اسکیلرک آکلاہ مادیی بودعوادہ یکیلرک ایضاح ایدہ بیلہ جکلری شیلر بولندینگی ایلری سورمک ایستہ یورلر . اگر بویلہ ایسہ اونلرک عاجز قالدقلری بو امتحاندہ یکیلرک فعلاً بر شی کوسترمہ لری لازم کلیردی . حال بو کہ بزہ بوبادہ یکیلرکدہ معارضہ و امتحان صفندن قاجہرق - طبق اسکیلرک یابدقلری کی - مجزلرینی اثبات ایدن بیہودہ تجماوز و افترا ایلہ اوہراشدقلرینی کوریورز . اسکیلر بودھوایی اعجاز کار قارشوسندہ انبسات اہلیتدن عاجز قالمجہ پیغمبرہ سحر، شعر، جنت،

اسرار اعجاز و اردر . لکن قرآن افاده ابتدایی ممانعت هبسنده بستون یکی و بدیع مدلولارله نازل اولمش اولسه ایدی ، بشرقی عقللری دائره سنده ارشاد ایتک غایه سنی کوزتمه مش و تربیه بشریه بی یالکیز خارقیه استناد ابتدیرمش اولوردی . حال بوکه تعلیم و ارشاد مجهولاتی اوکه سسورمکه دکل ، او مجهولاتی معلومات مأخوذه ایله حل ایلمک طریق کوسترمکه در . بناء علیه عمومک ارشادی ایچون نازل اولان کتاب الهی اولنرک معلومات ابتدائیه لرینی یکی مجهولاتی حل ایده بیلجک بر وجهله تثبیت و ترتیب ایدمک طریق عام و عملی کشاد ایدمک بر جاذبه بیانه مالک اولق اقتضا ایدردی . بوندن دولاییدرکه قرآن اکثریتله هرکسک معلومات ابتدائیه سنده و یافطرت اصلیه سنده مکنوز اولان حقائق ، بلیغ و معجز بر افاده ایله تذکیر ایدمک یوکسکلره یوکسکتمک ایچون قدرت اعجازی دها زیاده نظمک آهنگ بدیع و بلیغنده کوسترمشد . چونکه حقائق و معانی بدیمه سراپا خلقتک ناصیه تکوینه یازمش و یالکیز اولنری کوروب آکلایه جق حس و عقل و قلبی تنویر و ارشاد ایتک جهتی قالمش ایدی . بونی یاباجق اولانده بالذات معانیدن زیاده اوحسره او عقللر و او قلوبلر و وجد آور بر ابتداء اوباندیراجق اولان طرز بیان ایدی . ایشته قرآن بونی یاپان و یامعده دوام ایدن بر معجزه ، بر کلام الهی اوله رق نازل اولدی و کندیته قارشى معارضه یه قیام ایدنرک آهزلرینی قیادی . مع مافیه استتبالک وقوعات جاریه سیله تحقق و تبیین ایدن نیجه نیجه معجزات مهمه بی ده مضامین بیانی ایچنه قویدی . قرآندن استفاده ایتک و اونی آکلامق ایسته ینلر بونی بیلیملی ، قرآنی ترجمه لرندن آکلامغه چالیشمالیدرلر . قرآنی ترجمه سندن آکلامغه چالیشمق ، مثلاً انسانک ، حقیقتی کولک سندن آکلامغه چالیشمق کیدر . دیگر جهندن قرآنی ترجمه سندن آکلامغه چالیشمق مترجم اولان کیمسه نکه توسطه مراجعت ایلمک ، کلام الهی بی اونک کلامیله مبادله ایتکدر . او حالده قرآنی ترجماندن دیکله مک ایسته ینلر ترجمانلرینی ای انتخاب ایتلی و اونی شفاهاً دیکله مینی ترجیح ایلمه ملیدرلر . آرز جوق بر ملاحظه ایدمک ایچون قرآن ترجمه سنی مطالعه ایتک برشی دیمه یز . فقط قرآنک بوتون حقیقتی ترجمه سندن مقایسه ایتک چالیشمق بر ضلالت اوله جغنی ده اونو تمامالی یز . چونکه بتون ترجمه لر قرآنک سر اعجازی خارچنده در . قرآنده کی هر هانگی بر جمله بی ، بتون لسانلرک ال بلیغ اسلوب بیانلرینه نقل ایتسه کنز اونک نفس قرآنده کی ذوق بیانی هبسنک فوقنده قالمق موقعی محافظه ایدر . نظم قرآن نه موزون ، نه مسجع ، نه ده منثوردر ؛ فقط موزوندن دها آهنگلی ، مسجعدن دها متناسب ، منثوردن دها سلیس و دها جریبانلیدر . هبسندن باشقه برده جوامع الکلم در : الفاظ قلیله ایچنده معانی کثیره بی درج ایدرک نامتاهی به ناظر ییوک معادله لرینی جذرلریله

و کمال لطافتله تبلیغ ایدر . عقله خطاب ایدرکن سامعه دن باشلا یارق طرق حواسیه الفضاظ و ترکیبک رقت و حزالیه متوالیاً اوقفسار و قافی حسن و خیر حقک لاهوتی آهنگی ایچنده فرق نشاط و انتباه ایدر . بشرک بیلدیکی و بیلجکی کافه اسالیب و معانی بی احتوا ایتکله برابر هیچ بر یسنک عینی اولیان و اون دورت عصردر تقلید ایدیله مین الهی بر اسلوبه مالکدر . معلوم اولدینی اوزره صنع بشر اولان آثارک تناسلی هب متاهی نسبتلرک محصله سیدر . صنع باری اولان آثارک تناسلی ایسه نامتاهی نسبتلرک جذریدر . بشرک یابدینی بر ایکنه نکه اوجنده کی سیوریلک صنع خالق اولان بر دیکن اوجنده کی سیوریلکک یاننده بر اودون کی کوک قایلر . بر سروی بار اهنک محتوی اولدینی هندسه بی هندسه بشرله اولچمک قابل اوله ماز ، چونکه بز ماده نکه آتوملری اوزرنده بالذات هندسه یوروتهمه یز . هم نه حاجت ا یک ریاضی اوله رق حساب ایتکدر ، اولدیغمز ، آیلریمزی ، سنه لریمزی حصوله کترین ارض و قمرک حرکتلرینی هیچ بر زمان کمر سز بر عدد تام ایله کوسترمک امکانی بوله بیلورمی یز ؟ سنه مز اوجوز آلمش بش کون ، ساعت ، دقیقه ، ثانیه الخ کیدیور . نه دن ؛ چونکه بزم حسابز متاهی ، حساب الهی ایسه نامتاهی در . مادیانده بویه اولدینی کی معنویانده ده بویه در . بزم کلمات و معانی آره سنده تعیین ایدم بیلدیکمز تناسیلر متاهی معیارلره استناد ایتدیکی حالده خالقک تعیین ایتدیکی تناسیلر نامتاهی به ناظر اولور . بونک ایچون نظم قرآنده کی اسلوب و آهنگ . بیان بزم قاورایه بیلدیکمزدن جوق یوکسک بر طاقم تناسیلرک افاده سیدر . ترجمه ایدرکن بز بوتناسیلرک بر مقدار محدودینی کورد و متاهی شعورلریمزدن قاچان اسرار حسنی ضایع ایدرز . حق ایکی کلامک بر ترکیبک متضمن اولدینی معانیدن برینی و یا ایکسینی افاده ایدرکن بیله فضله کلامره مراجعتله کلامک جمعیتی بر یشان ایلرز . ترجمه قرآن بر نوع تحریف اولور .

فرنگ مستشرقلری بیله بو حسن سرمدی بی سزمشدر و بونک ایچون نظم قرآنی غرامی دییه ترجمه ایدم بیلجکمز « لیریک » شعرلر کی ملاحظه ایتک ایسته مشلردر . بو صورتله اولنرده پیغمبر ذیشان اقدیمزه شاعر دییه زمزمه مشرکینه التحاق ایتمشلر سه ده هیچ اولمازسه مملکت مزده تورده یز جمله ملحدین کی نظم قرآنک اهمیت بلاغشندن تماماً غفلت کوسترمه مشلردر ، و آنجق مسلمانلره قرآنک بو ذوقنی اونوتدردمق ایچون ترجمه لرینه تشویق ایلمه مشلردر . نه تحف شیدرکه آمریکا اونیلره اوروپا پائالسی یمک آلیشانلر عربستانک موزینه ، خرما سینه یان کوزله باقدقلری کی صربی اولار لسان قرآنی ده بزمه اونوتدردمق ایچون هر درلو فضیحه بی ارنک کابدن چکنمبورلر . فانیلره پرستش ، باقیلره بغض ایدیورلر . کرچه قلوب شعرا ، کنوز الهیه دن بر کنزدر . و هر کوزل اولان سانحات شعریه ده طوغریدن طوغری فطرتک خارقه عد ایدیله بیلجک

ایستہ قرآن سادہ برخارقہ دکل، بویله بر معجزہ ایقاندہ . بونک ایچون جناب اللہ « وما علمناه الشعر وما ينبغي له ان هو الا ذكر وقرآن مبين » لينذر من كان حيا ويحق القول على الكافرين » بيورمشدر . تاريخ زہ بوايتك ده آیری بر معجزہ بی تضمن ایتدیکی کوسترمکده در . ولکن لایات لمن تنادی .

ذکارتک ، قنارتک ، صنعتارتک ، ثروتارتک ، جمعیتارتک بو قدر زماندن بری جواب ویرہ مدکری « فأتوا بسورة من مثله » خطاب اعجازینه عجباً شیطانلرک تزویراتیمی جواب ویرہ بیله جکدر ؟ .. بشریتی هر آن « ويحق القول على الكافرين » اندازینک تحت تحققة بر اقی ایستین او تزویرلر قیامتہ قدره « وان عليك اللعنة الى يوم الدين » آیتک توجیه ایتدیکی پایه ملحق طاشیان ابلیسک امت مرجومه بی اولمقدن باشقنه قازانه جقلردر ؟ عجباً حق تسلیم ایتک حقه معارضه ایتمکدن دهامی زوردر ؟ عجباً ابلیس عذاب ابدی به قاتلانعه بی حضور حقه حضرت آدمه سجده ایدیورمکدن دهامی قولای ظن ایدیور ؟

يا ناطح الجبل العالي ليكلمه

اشفق على الرأس لا تشفق على الجبل

اویوکسک جبل رحمتی یارالامق ایچون طوس وورمغه چالیشانلر اوطاغ دکل، اوباشه آجیسونلر . شاهقه قرآنه باقارکن کلاهلرینی دوشورنلر ، عمقده کی جواهر دن چیمدیکه برشی قویارامیه جقلرینه امین اولسونلر . ولا یزید الظالمین الاخساراً .

بشرك رهبر مسعودی

۲

مَنْ أَحْسَنَ فَلِنَفْسِهِ وَمَنْ أَسَاءَ فَعَلَيْهَا

مآل کریمی

« ایتک ایدره کنهینه ، فنانلر ایدره ده کنهینه ایدره . »

مسلمانلرک جهانده یاپدینی معظم انقلاب بو حقیقت قاطعه نك ، بو دستور فعالیتک، قرآن کریمک اک براق والک مکمل صورتده افاده ایتدیکی بو علوی اساسک اثریدر . مسلمانلرکدن مقدم کوندربان بوتون ادیان ، عینی منبع الشهدن کوندربلش اولدیغندن همی ده عینی دستور فعالیت تبلیغ ایتمشدر . شریعت موسویه ، براهمنلرک مذهبی اولان (قارما) ، (کریشنا) نك تعالیمنی محتوی اولان (غیتا) ده عینی حقیقته اشارت اولونمقده در . یالکیز بوتون بو مذاهبه سالک اولان اقوام ، فعالیت قدرتنک قیمت حقیقیه سنی تقدیرده موفق اولامامش و بوندن طولانی مشرکانه و خرافاتپرستانه بر طاقم آینلر ظهور ایتمشدر .

انسان ؛ کنهینی فضله یورمقدن محتجب و سهولته امرار حیسانه

برید تکوینی ده واردر . بویوک داهیلر کی هر بویوک شاعرک اسلوبی کنهینه مخصوص بر امتیازی حائز برخارقه ماهیتده در . فقط بو کی خارقه لرله معجزه آراسنده کی فرق عظیم اونو تلامق لارم کلیر . شعرا و ادبانک خارقه اسلوبلری ، ایلک خارقه لر کی انفرادیله طوغارکن اولری اطرا دلر تعقیب ایدره بیلیر . تقلید و تنظیر ایله پی در پی مماثللری جوغلیر ، و حق تکمیل ایدرلر . بدایه فرده خاص اولان اولوبلر ، اخلاق دستکاه مساعیسنده بر نوع ، بر جنس ماهیتنه منقلب اولورلر ، نهایت انفرادلرینی ضایع ایدرلر . عین زمانده شعرا ه فی کل وادیه مون « درلر ، وادی خالقنک هر طرفده هیمن و خیرتله طولاشیرلر . آغلاتیر ، کولدریر ، دوشوندر رکن استعجاب ایتدکری تحسینلر ، آفیشلار ، ایقاندن دکل ، هباندن طوغان آثار حیرتدر . اونلر حسن سرمدینک شئون تجلیاتی آراسنده وادیدن وادی به قوشارکن اونک ازل و ابده کی مبدأ و غایه سندن ، سراصلیسندن بر حصه ایقان آلوب اعمال ایتمکه مقتدر اولامازلر . شاعر هبانی ایقانه تحویل ایتدیکی کون شعرینی غائب ایدر . چونکه ایقانک بخش ایتدیکی شعور وظیفه هر آن متلاشی اولان ذوق شعره غلبه ایتمکه کجکمز .

حالبوکه قرآن بر صحیفه هیمن دکل ، بر بدیعه ایقاندر . اوند حسن ایله حق ، وحدت حقیقیه لر یله قلوب زکیه نك پیش اعتبارینه چیقارلر . انسانیتک حسنه ، عقلنه ، قلبنه روحانیت و جسمانیته بوتون موجودیت حاضره و آتیسنه لازم اولان غذای ایقانی جذرلر یله اوکنه دوکرلر . حق تعالی فصل شریک و نظیردن منز و احد فرد ایسه اونک کلامی اولان قرآن ده اویله فرد بی نظیر بر معجزه یکانه در . وایسته معجزه بویله تحدی قارشوسنند ، تقلید و تنظیری قابل اولمایان خارقه منفرد در . فی الواقع « فأتوا بسورة من مثله » امر جلیلی ایله پک بسیط بر امتحان قابوسی آچهرق کن قرآن عظیم الشانک اون درت عصر دنبری نظیری یاللق شویله طورسون ، اسلوبی بیله تقلید اولنه مامشدر . « عایم الله انس و جن اجتماع آیتسلر و بر برلرینه ظهیر اولسلر بیله قرآنک مثانی میدانه قویامازلر . « دعواسنک اون درت عصر دن بری دوام ایدن قوت ایقانی بالذات جناب حقندن باشقه کیم ویرہ بیلیر ؟ « لئن اجتمعت الانس والجن على ان یأتوا بمثل هذا القرآن لایأتون بمثله ولو کان بعضهم لبعض ظهیراً » آیتک ادبیات عربیه نقطه نظرندن متضمن اولدینی وجوه تأکید دوشونلسون ، دعوانک بتون استقباله شامل اولان وسعت و عظمتی دریش ایدلسون . بوایقانک بوقوت بیانه بدایه مخاطب اولانلر بونک صدق وامانی مجرب اولان محمد مصطفی علیه اکمل الصلوة وازکی النحایا کی بر ذاندن صدورینی کورنجه بر اثر جنت اولدیغنی تحیل ایتک ایچون آز چوق بر معذرت بهوده به مالک اولسلر بیله بوایقانک حکمی اون درت عصر دن بری دوام ایدن بر معجزه محققه اولدیغنی کورن شیمدیکی مخاطبلر ایچون بر عذر تصویرینه امکان بولنه بیلیرمی ؟